

四庫全書

集部

欽定四庫全書

集部

文苑英華卷二百四十五

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官編修_臣廬燧

謄錄監生_臣邵颿

欽定四庫全書

文苑英華卷二百四十一

宋 李昉等 編

酬和二

劉禕之一首

楊炯三首

盧照鄰三首

褚亮一首

陳子昂四首

任希古一首

李嶠五首

沈佺期一首

杜審言一首

于季子一首

宋之問三首

張說六首

蘇頲五首

張九齡七首

酬鄭沁州

劉禕之

騏閣一代良熊軒千里躅緝圖昭國典按部留宸矚匪
厭承明廬佇兼司隸局芸書暫輟載行使方臨俗節變
風緒高秋深露華溽寒山斂輕靄霽野澄初旭已覺一作

切長年悲誰堪岐路促遙林征馬迅別館嘶驂踟雅贈

響擬金索居睽倚玉悽斷離鴻引勞歌思足曲

和酬號州李司法

楊炯

脣齒標形勝，關河壯邑居。
寒山抵方伯，秋水面鴻臚。
君子從遊宦，忘情任卷舒。
風霜下刀筆，軒蓋擁門閭。
平野雲黃變，長洲鴻鴈初。
菊花宜泛酒，蒲葉好裁書。
昔我芝蘭契，悠然雲雨疎。
非君重千里，誰肯惠雙魚。

和鄭讐校內省眺矚思鄉懷友

前人

銅門初下辟，石館始沉研。
遊霧千金字，飛雲五色牋。
樓

臺橫紫極城闕俯青田暄入瑤房裏春迴

集作過

玉宇前

霞文埋落照風物

集作色

澹歸煙翰墨三餘隙關山四望

懸顏風

集作峯

曄酌羽流水曠鳴絃雖欣承白雪終恨隔

青天

和劉長史答十九兄

前人

帝堯平百姓高祖宅三秦子弟分河岳衣冠動縉紳盛
名恒不隕歷代幾相因街巷塗山曲門閭洛水濱五龍
金作友一子玉為人寶劔豐城氣明珠魏國珍風標自

落落文質且彬彬共許刁玄亮同推周伯仁石城俯天

闕鍾阜對江津驥足方遐駛

集作
騁

狼心獨未馴鼓鼙鳴

九域風火集重闔城勢餘三版兵威乏四鄰居然混玉

石直置保松筠耿介酌天子危言數賊臣鍾儀琴未奏

蘇武節猶新受祿寧辭死揚名不顧身精誠動天地忠

義感明神怪鳥來

集作
能

垂翼脩蛇竟暴鱗來朝拜

集作
報

休命述職下梁

一作
良

岷善政馳金馬嘉聲繞玉輪三荆

忽有贈四海更相親宮徵諧鳴石光輝掩燭銀山川遙

滿目零露坐霑巾友愛光天下恩波浹後塵懦夫仰高節下里繼陽春

和王夷秋夜有所思

盧照鄰

寂寂南軒夜悠然懷所知長河落鴈苑明月下鯨池鳳臺有清曲此曲何人吹丹唇間玉齒妙響入雲涯窮巷秋風葉空庭寒露枝勞歌欲有和星髮已將垂

酬張少府東之

前人

昔余與夫子相遇漢川陰珠浦龍猶卧檀溪馬正沉價

重瑤山曲詞驚丹鳳林十年睽賞慰萬里隔招尋豪翰
風期阻荆衡雲路深鵬飛俱望昔蠖屈共悲今誰謂青
衣道還歎白頭吟地接神仙礪江連雲雨岑飛泉如散
玉落日似懸金重以瑤華贈空懷舞詠心

和吳侍御被使燕然

前人

春歸龍塞北騎指鴈門陞胡笳折楊柳漢使採燕

集作條

支戍城聊一望花雪幾參差關山有新曲應向笛中吹

和御史韋大夫喜霽之作

褚亮

晴天渡旅鴈斜影照殘紅野淨餘煙盡山明

一作開

遠色

同沙平寒水落葉脆晚枝空白簡光朝憶彤騶出禁中
息駕遊蘭坂彫文折桂叢無因輕羽扇徒自仰仁風

東征答朝達相送

陳子昂

見集本

平生白雲意疲於愧為雄君王謬殊寵旌節此從戎按
繩當繫虜單馬豈邀功孤劒將何托長謠塞上風

酌李參軍崇嗣旅館見贈

前人

昨夜銀河畔星文犯天

集作遙

漢今朝紫氣新物色果逢

真言從天上落乃是地仙人白壁疑冤楚烏裘似入秦
推藏多古意歷覽備艱辛樂廣雲雖覩夷吾風未春鳳
歌空有問龍性詎能馴寶劍終應出驪珠會見珍未及
馮公老何驚孺子貧青雲儻可致北海憶孫賓

答洛陽主人

前人

平生白雲志早愛赤松遊事親恨未立從宦此中州主
人亦何問

集作
何發

旅客非悠悠方謁明天子清宴奉良籌

再取連城壁三陟平津侯不然拂衣去歸從海上鷗寧

隨當代子傾仄且沉浮

東征至淇門答宋十一叅軍之問

前人

南星中大火將子涉清淇西林映集作改微月征旆空自

持碧潭去已遠瑤華折遺誰君集作若問遼陽戍搖搖集作

悠悠天際旗

和左僕射燕公春日端居述懷

任希古

見初學記

豐野光三傑媿庭贊五臣綈紉歌美譽絲竹詠芳塵聖
歷開環象昌年降甫申高門非捨築華構豈垂綸鳳卽
搏霄翰龍池躍海鱗玉鼎昇黃閣金章謁紫宸禮闈通
政本文昌總國均調風振薄俗清教叙彝倫星迴應緹
管日御驚寅賓葉上曾槐變花發小堂春思挂東都見
言訪北山巾赫赫容臺上千祀耀平津

劉侍讀見和山邸十篇重申此贈

李嶠

神嶽瑤池圃仙宮玉樹林乘時警天御清暑滌宸襟梁

駕陪玄賞淄庭掩翠岑對巖龍岫出分壑鴈

一作鳳

池深

簷迴松蘿映窓高石鏡臨落泉奔澗響驚吹助猿吟野

氣迷涼燠山花雜古今英藩盛賓侶勝境相招尋踐逕

披蘭葉攀崖引桂陰穆生時泛醴鄒子或調琴雉翳分

塲合魚鈎向浦沉朝遊極斜景夕宴待橫參顧已慙鉛

鋸叨名齒璫簪暫依朱郎館還暢白雲心邱壑信多美

煙霞得所欽寓言攄宿志竊吹簡知音獎價踰珍石訓

文重振金方從仁智所攜手濯清潄

和杜學士江南初霽羈懷

前人

大江開宿雨征棹下春流霧卷晴山出風恬晚浪收岸
花明水樹川鳥亂沙洲羈眺傷千里勞歌動四愁

和杜五弟晴朝獨坐見贈

前人

平明坐虛館曠望幾悠哉宿霧分空盡朝光度隙來影
低藤架密香動藥欄開未展山陽會空留池上盃

和杜學士旅次淮口阻風

前人

夕吹生寒浦清淮上暝潮迎風欲舉棹觸浪反停橈森
漫煙波濶參差林岼遙日沉丹氣歛天敞白雲消水鴈
含蘆葉沙鷗隱荻苗客行殊未已川路幾迢迢

和同府李祭酒休沐田居

前人

列位簪纓序隱居林野躅狗物爽全真棲貞昧均俗若
人兼吏隱率性夷榮辱地籍朱邱基家在青山足斲彌
西園蓋言事東臯築室俯澗濱開扉面巖曲庭幽引
夕霧簷迴通晨旭迎秋谷黍黃含露園葵綠勝情狎蘭

杜雅韻鏘金玉伊我懷邱園願心從所欲

答寧愛州書

沈佺期

書報天中赦人從海上聞九泉開白日六翮起青雲
幸恩先貸情孤枉未分自憐涇渭別誰與奏明君

和晉陵陸丞早春有懷

杜審言

獨有宦遊人偏驚物候新雲霞出海曙梅柳度江春
淑氣催黃鳥晴光照綠蘋忽聞歌古調歸思已霑巾

早春答洛陽杜審言

于季子

梓澤年光往復來，杜陂遊人去不迴。
若非戴筆登麟閣，定是吹簫伴鳳臺。
路傍桃李花猶嫩，波上芙蓉葉未開。
分明寄語長安道，莫教留滯洛陽才。

酌李丹徒見贈之作

宋之問

鎮吳稱奧里，試劇仰通才。
近邑人披霧，遙聞境震雷。
一朝逢解榻，累日共啣盃。
連騎集作轡登山盡，浮舟望海迴。

以余慙拙宦，期子遇良媒。
贈曲南鳬斷，征塗北鴈催。
更憐江上月，還入鏡中開。

使往天兵軍約與陳子昂新鄉為期及還而不

相遇

前人

入衛期之子吁嗟不少留情人去何處淇水日悠悠恒
碣青雲斷衡漳白露秋知君心許國不是愛封侯

答李司戶

前人

遠方來下客輜軒揖使臣弄琴宜在夜傾酒貴逢春
馬留孤館雙魚贈故人明朝散雲雨遙仰德為鄰

和魏僕射還鄉

張說

富貴還鄉國光輝滿舊林秋風樹不靜君子歎何深故
老空懸劔鄰交日散金衆芳搖落盡獨有歲寒心

以下
六篇

並見
集本

酌崔光祿冬日述懷贈答

前人

徐陳嘗並作枚馬亦同時各負當朝譽俱承明主私夫
君邁前侶觀國騁奇姿山似鳴威鳳泉如出寶龜材雄
子雲筆學廣仲舒帷紫綬拂三寺朱門臨九達昔我含
香日連爾縉雲司朝攜蘭省步夕退竹林期中路一分

手數載來何遲求友還相德

一作得

羣英復在茲留臺少

人務方駕逋尋追涉翫懷同賞霑芳憶共持迎賓南澗
飲載妓東郊嬉春郭綠畝秀秋澗白雲滋名畫披人物
良書討滯疑興來光不惜歡往迹如遺歲宴罷行樂層
城間所思夜窺燈處厭朝髮鏡前衰忽枉崔駟什兼流
韋孟詞曲高彌寡和主善代為師齊戒觀華玉留連歎
色絲絲終慙起予者何足與言詩

和張監觀赦

前人

日御臨雙闕天街儼百神雷舒乍解氣歲復建寅春喜

候同新

集作開星

驛歡聲發市人金環能作賦來入管絃新

和朱使欣道峽似巫山之作 前人

江如曉天淨石似暮霞

集作雲

張征帆一流覽宛若巫山

陽楚客思歸路秦人謫異鄉猿鳴孤月夜再使淚霑裳

和朱使二首

前人

南土多遺寇西江盡畏途山行阻篁竹水宿礙

一作破

崔

蒲使越才應有征蠻力豈無空傳人贈劔不見虎銜珠

二

江勢連山遠天涯此夜愁霜空極天靜寒月帶江流思
起南征棹文高北望樓自憐如墜葉泛泛侶仙舟

奉和姚令公溫湯舊館永懷故人盧公之作

蘇頌

樹德豈孤邁降神良竝出偉茲廊廟楨調彼鹽梅實正
悅虞垂舉翻悲鄭僑卒同心不可忘交臂何為失清路
荷前幸明時稱右弼曾聯野外迷尚記帷中密新慟情

莫遣舊遊詞更述空令屬和辰長感知音日

奉和魏僕射秋日還鄉有懷之作二首

前人

南宮夙拜罷東道晝遊初飲餞傾冠蓋傳呼問里閭樹
悲懸劍所溪想釣璜餘清發光輝至增榮駟馬車

二

溽暑時云謝愆陽澤暫偏鼎陳從祀日鑰動問刑年絳
服龍雱寢玄冠馬使旋作霖期傳說為早聽周宣河嶽

陰符啓星辰暗檄傳浮涼吹景氣飛凍灑空煙颺颺將
秋近沉沉與暝連分湍湮水石含穎雍州田德施超三
五文雄賦十年及私何以樂明主敬人天

奉和同崔尚書贈大理陸卿鴻臚劉卿見示之

什

前人

戲藻嘉魚樂棲椅

集作梧

高鳳飛類從皆有召聲應乃無

違美價逢時出奇才選衆稀避堂貽後政掃第

集作地

發

前幾出曳僊人履還薰侍女衣省中何赫奕庭際滿芳

非吏部端清鑒丞郎肅紫機會心歌詠是廻迹宴言非
北寺鄰玄闕南城寫翠微參差交隱見髣髴接光輝賓
序嘗柔德刑孚已霽威巨源林下契不速自同歸

和杜主簿春日有所思

前人

朝上高樓上俯見洛陽陌搖蕩吹花風落英紛已積美
人不共此芳好空所惜攬鏡塵網滋當窓苔蘚碧緬惟
懷一作在雲漢良願睽枕席翻似無見時如何久為客

酌宋使君見贈一作之作

張九齡

時來不自意宿昔謬樞衡翼聖負明主妨賢愧友生罷
歸猶右職待罪尚南荆政有留棠舊風因繼組成高軒
問疾苦蒸庶荷仁明衰廢時所薄祇言僚故情

與袁補闕尋蔡拾遺會此公出行其後蔡有五

韻詩以此篇答焉

前人

轍跡陳家巷詩書孟子鄰復

集作偶

來乘興者不值草玄

人契是忘年合情非累日申聞君還薄暮見眷及茲晨
贈我如瓊玖將何報所親

答太常靳博士見贈

前人

上苑春先入中國花盡開唯餘幽逕草尚待日光催

酬王履震遊園林見貽

前人

宅生惟海縣素業守郊園中覽霸王說上邀集作明主

恩一行罷蘭逕數載歷金門既負潘生拙俄從周任言

逶遲

集作

戀軒陛蕭散反邱樊舊院

集作

稀人跡前池

耗水痕併看芳樹老惟覺敞廬存自我棲幽谷逢君翳

覆盆孟軻應有命賈誼得無冤江上傷行遠林間遇集作

偶避喧地偏人事絕時霽鳥聲繁獨善心俱閑窮居道
共尊樂因南澗藻憂豈北堂萱幽意加集作如投漆新詩

重贈軒平生狗知己窮達與君論

酬王六霽後書懷見示

前人

雲雨俱行罷江天已洞開炎氛霽後滅邊渚集作緒望中

來作驥君垂耳為魚我曝鰓更憐湘水賦還是洛陽才

酬王六寒朝見貽

前人

賈生流寓日揚子寂寥時在物多相背唯君獨見思漁

為江上曲雪作郢中詞忽枉兼金訊長懷伐木詩

武司功有幽庭春暄見贈夏首獲見以詩報焉

前人

芳月盡離居幽懷重起予雖言春事晚尚想物華初遲
日暎方照高齋澹復虛筭成林向密花落樹應疎贈鯉
情無間求鶯思有餘暄妍不相待含歎欲焉如

文苑英華卷二百四十一

欽定四庫全書

文苑英華卷二百四十二 宋 李昉等 編

酬和三

宋鼎一首 王維六首

孫逖四首 孟浩然三首

杜甫四首 李白五首

盧象二首 祖詠一首

王昌齡三首 高適六首

劉長卿九首

酬故人還山

宋鼎

舉棹乘春水歸山撫歲華碧潭宵見月紅樹晚一作開

花肅穆輕風度依微隱逕斜危亭暗松石幽澗落雲霞

思鳥吟

一作鳴

高樹遊魚戲淺沙安知餘興盡相望紫烟

賒

和僕射晉公扈從溫湯作

已見一百七十一卷

王維

和尹諫議史館山池

已見一百六十六卷

前人

酬張少府

前人

晚年

一作來

唯好靜萬事不關心自顧無長

一作良

策空知

返舊林松風吹解帶山月照彈琴君

集作若

問窮通理漁

歌入浦深

酬郭給事

七言

前人

洞門高閣靄餘暉桃李陰陰柳絮飛禁裏疎鐘官舍晚

省中啼鳥吏人稀
晨搖玉珮趨金殿
夕奉天書拜璫闥
強欲從君無那一作奈老將因臥病解朝衣

和太常韋主簿五郎溫湯寓目之作

前人

漢主離宮接露臺
秦川一半夕陽開
青山盡是朱旗繞
碧澗翻從玉殿來
新豐樹裏行人度
小苑城邊獵騎迴
聞道甘泉能獻賦
懸知獨有子雲才

故人張諲為

一無此字

詩善易卜兼能丹青草隸頌

以詩見贈聊復酬之

前人

不逐城東遊俠兒，隱囊紗帽坐彈碁。
蜀中夫子時開卦，洛下書生解詠詩。
藥欄花逕衡門裏，時復據梧聊隱几。
屏風誤點惑孫郎，團扇草書輕內史。
故園高枕度三春，永日垂帷絕四鄰。
自惜_{集作想}蔡邕今已老，更將書籍與何人。

奉和李右相中書壁畫山水 孫逖

廟堂多暇日，山水契中真。

_{集作真}

情欲寫高深，趣還因藻繪。

成九江臨戶牖三峽遶檐楹花柳窮年發烟霞逐意生
能令萬里近不覺四時行氣染荀香馥光含樂鏡清詠
歌齊出處圖畫表冲盈自保千年遇何論八載榮

李公詩云

八載忝
司存

奉和李右相賞會昌林亭 前人

賢相初陪蹕靈山本降神作京雄近縣開閣寵平津地

勝林亭好時清宴賞頻百泉榮草木萬井布郊畛

諸鄰切

德與春和盛功將造化鄰還嗤渭濱叟歲晚獨垂綸

酬萬八賀九雲門寺歸溪中作

前人

晚從靈境出林壑曙雲飛稍覺清

集作青

溪盡迴瞻盡刹

微獨園餘興在孤棹宿心違更憶登攀處天香盈袖歸

和左衛武倉曹衛中對兩劇

集作創

韻贈右衛李

騎曹二人同任校書

前人

林父同官意宣尼久敬交文場刊玉篆武事掌金鏡道
合宜連茹時清豈繫匏克勤居簿領多暇屏謹詭美酒

懷公讌玄談俟客嘲薄雲生北闕飛雨自西郊院暑便
清曠庭蕪覺漸苞高門闔詎閉入聲逸韻柱難膠枳棘鸞

無歎倚梧鳳必巢忽聞徵並作觀海愧堂坳

和張丞相春朝對雪

已見一百五十三卷

孟浩然

和張明府登鹿門山

前人

忽示登高作能寬旅寓情絃歌既多暇山水思彌清
草得風先集作光動虹因雨後成謬成巴里和非敢應同聲

和張二自穰縣還途中遇雪 前人

風吹沙海雪來作本團

集作團

春宛轉隨香騎輕盈伴玉

人歌疑郢中客態比洛川神今日南歸楚雙飛似入秦

奉和薛十二丈判官見贈

杜甫

忽忽峽中睡悲風方一醒西來有好鳥為我下青冥羽

毛淨白雪慘澹飛雲汀既蒙主人顧舉翮唳孤亭持以

比佳士及此慰揚舲清文動哀玉見道發新硎欲學鷗

夷子待勒燕然

集作山

銘口重斬邪劒

集作誰重斷蛇劒

致君君

未聽志在麒麟閣無心雲母屏卓氏近新寡豪家朱戶

門

集作

局相如琴

集作

調逸銀漢會雙星客來洗粉黛日

暮拾流螢不是無膏火勸郎勤六經老夫自汲澗野水

日泠泠我歎黑頭白君看銀印青卧病識山鬼為農知

地形誰矜坐錦帳苦厭食魚腥東南兩崖

集作岸

拆積

集作

橫水注滄溟碧色忽惆悵風雷搜百靈空中右

集作有

白

虎赤節引娉婷自云帝里

集作李

女嚙雨鳳凰翎襄王薄

行迹莫學冷如冰千秋一拭淚夢覺有微馨人生相感

動金石兩青瑩丈夫

集作人

但安坐休辨渭將

集作與

涇龍

蛇尚格鬪灑血暗郊坰吾聞聰明主活

集作興

國用輕刑

銷兵鑄農器今古歲方寧天王

集作文

日儉德俊乂始盈

庭榮華貴少壯豈食楚江萍

酬韋韶州見寄

前人

養拙江湖外朝廷記憶疎深慚長者轍重得故人書白

髮絲難理

集作並

新詩錦不如雖無南過鴈看取北來魚

答高使君見贈

前人

古寺僧牢落空房得

集作客

寓居故人供祿米鄰舍與園

蔬雙樹容聽法三車肯載書草玄吾豈敢賦或比

集作似

相如

奉酬李都督表文早春作

前人

力疾坐清曉來詩悲早春轉添愁伴客更覺老隨人紅

入梅

集作桃

花嫩青歸柳葉新望鄉應未已四海尚風塵

江上答崔宣城

李白

太華三芙蓉明皇玉女峯尋仙下西岳陶令忽相逢問

我將何事湍波歷幾重貂裘非季子鶴氅似王恭謬忝

燕臺召而陪郭隗蹤水流知入海雲出

集作去

或從龍樹

色曉

集作繞

洲月山鵲鳴夜鐘還期如可訪台嶺蔭長松

酬中都小吏攜斗酒雙魚於逆旅見贈

前人

魯酒若琥珀汶魚紫錦鱗山東豪吏有俊氣手攜此物
贈遠人意氣相傾兩相顧斗酒雙魚表情素酒來我飲
之鱸作別離處雙鰓呀呷鬚鬣張跋刺銀盤欲飛去呼

兒拂几霜刃揮紅肌

集作腮

花落白雪飛為君下筇一食

罷

集作飽

羞看金鞍上

集作醉着金鞭

馬歸

酬裴侍御對雨感時見贈

前人

雨色秋來寒風嚴清江與孤高繡衣人瀟洒清霞賞平

生多感激忠義非外獎禍連成

集作積

怨生事及徂川往

楚邦有壯士鄢郢翻掃蕩申包哭秦庭泣血將安仰鞭

屍辱已及堂上羅宿莽頗似今之人蝨賊

一作蝨

陷忠謹

渺然一水隔何由稅歸鞅日夕聽猿愁懷賢盈夢想

酬崔十五見招

前人

爾有鳥折

集作跡

書相招琴溪飲手跡尺素中如天落雲

錦讀罷向空笑疑君在我前長吟字不減懷袖且三年

以詩代書答元丹邱

前人

青鳥海上來今朝發何處口銜雲錦書與我忽飛去鳥
去凌紫烟書留綺窓前開緘方一笑乃是故人傳故人

深相勗憶我勞心曲離居在咸陽三見秦草綠置書雙

袂間引領不暫閑長望杳難

一作不可見

浮雲橫遠山

奉和徐侍中書叢篠詠

見二百七十五卷

盧象

奉和張使君宴列加朝散

前人

佐理星辰貴分榮渙汗深言從大夫後用答聖人心
擁軒裳客鸞驚翰墨林停盃歌麥秀兼燭醉棠陰與氣

凌秋笛

集作草

輕寒散暝砧祗應將四子講德謝

集作識

知

音

酬汴州李別駕見贈

祖詠

秋風多客思行旅厭艱辛自洛非才子遊梁得主人
文
章叅末議榮賤豈同論歎世同王演懷賢憶法真情由
恩舊好契託死生親所愧能投贈清言益潤身

淇上酬薛據兼寄郭微

王昌齡

自從別京華我心乃蕭索十年守章句萬里空寥落北
上登薊門茫茫見沙漠倚劒對風塵慨然思衛霍拂衣
去燕趙驅馬悵不樂天長滄洲路日暮邯鄲郭酒肆或
淹留漁澤屢棲泊獨行備艱難孰辭于鼎鑊皇情念淳

古時俗何浮薄理道須任賢安人在求瘼故交負奇才
逸氣包審諤隱軫經濟策縱橫建安作才望忽先鳴風
期無宿諾飄飄勞州縣迢遞限言謔東馳眇具邱西顧
彌號略淇水徒自深浮雲不堪託吾謀適可用天道豈
遼廓不然買山田一身與耕鑿

奉酬睢陽路太守見貽之作 前人

盛才膺命世高價動良時帝簡登藩翰人和發詠思神
仙去華省駕鵞憶丹墀清淨能無事優游即賦詩江山

紛想像雲物動歲華逸氣劉公幹玄言向子期多慙汲
引速翻愧激昂遲相馬如何恨登龍返自疑風塵吏道
迫行邁旅心衰

一作悲

拙疾徒為爾窮愁欲問誰秋風一

片葉朝鏡數莖絲州縣甘無取邱園悔莫追瓊瑤生篋
笥光景借茅茨他日青霄

一作雲

裏猶應訪所知

留答武陵田太守

前人

仗劍行千里微軀感一言曾為大梁客不負信陵恩

答侯大少府

高適

常日好讀書晚年學垂綸漆園多喬木睢水清磷磷詔

書下柴關

集作門

天命敢逡巡赫赫三伏時十月到咸秦

褐衣不得見黃綬翻在身吏道頓羈束生涯難重陳北

使經天寒關山饒苦辛邊兵若芻狗戰骨成埃塵行矣

勿復言歸歟傷我神如何燕趙陞忽遇

集作偶

平生親開

館納征騎彈絃娛遠賓飄飄

集作飄飄

天地間一別方茲晨

東道有佳作南朝無此人性靈出萬象風骨遺常倫吾

黨謝王粲羣賢推郗詵明時取秀才落日過蒲津節苦

名已富祿微家轉貧相逢愧薄遊撫已荷陶鈞心事正

堪盡離憂寧太頻兩河歸客

集作家

遙二月芳草新柳接

渚池

集作渚池

暗鴛連渤海春誰謂行路難猥當希代珍提

握每終日相思猶比鄰江海有扁舟邱園有角巾君意

定何適我懷知所遵沉浮各異宜老大貴全真莫作雲

霄計棲遑

集作遑遑

隨縉紳

連上酬

集作別

王秀才

前人

飄飄經遠道客思滿窮秋浩蕩對長漣君行殊未休崎

嶮山海側想像無前儔誰謂照乘珠忽然欲暗投東路
方蕭條楚歌復悲愁暮帆使人感去鳥兼離憂行矣當
自愛壯心莫悠悠子亦從此辭異鄉難久留言宴集作贈言
豈終極慎勿滯滄洲

酬裴秀才

前人

男兒貴得意何必相知早飄蕩與物華集作永蹉跎覺身

老長卿無產業季子慙妻嫂此事難重陳集作論未為衆

人道

酬陸少府

前人

朝臨

集作映

淇水岸還望衛人邑別思

集作意

在山河

集作阿

征途背原隰蕭蕭

集作稍稍

前村口惟見轉蓬入水渚人去

遲雪

集作霜

天鴈飛急我行應不遠

集作固應不遠別

所興終

集作

與路未及欲濟川上舟相思空竚立

同呂員外酬田著作莫門軍西宿盤山秋夜作

前人

磧路天早秋邊城夜應永遙傳戎旅作已報關山冷上

將頓盤反

疑作坂

諸君遍泉井綢繆閫外書慷慨幕中請

能使勲業高動令氛霧屏遠途能自致短步終難騁羽

翮時一看窮愁始三省人生感然諾何啻若形影白髮

知苦心陽春見佳景

一作境

星河連塞路刁斗兼山靜憶

君霜露時使我空引領

酬岑主簿秋夜見贈

前人

舍下蛩亂鳴居然自蕭索緬懷高秋興勿枉清夜作感

物我心勞涼風生

集作驚

二毛池枯

集作空

齒齒死月上

集作

出梧桐高如何異鄉縣復得交才彥汨沒嗟後時蹉跎恥
相見箕山別未久魏國誰不戀獨有江海心悠悠未嘗
倦

奉和杜相公新移長興宅呈元相公

劉長卿

間氣

集作世

生真宰同心奉至尊功高開北第機靜灌中

園入並蟬冠影歸分騎士喧窓聞漢宮漏家識杜陵原

獻替常焚藁優

集作清

閑獨樹萱花香逐荀令草色對王

孫有地先開閤何人不掃門江湖難自退明主託元元

酬張厦雪夜赴州訪別途中苦寒作

前人

扁舟乘興客不憚苦寒行晚暮相依分江湖別有

集作欲別

情水聲冰下咽沙路雪中平舊劒鋒鋔盡應嫌脫自

集作

贈輕

酌包諫議見贈

集作寄

之作

前人

佐郡媿頑疎殊方親里閭家貧寒未度身老歲將除過

雪山僧至依陽野客舒藥陳隨遠宦梅發對幽居落日
棲鴉爲行人達鯉魚高文不可和空愧學相如

酬張廈別後道中見寄

前人

離羣方歲宴謫宦在天涯暮雪同行少寒潮欲

集作上獨

遲海鷗知吏傲沙鷗

集作沙鳥

見人衰只爲憶春草西歸亦

未期

酬李貞外從崔錄事戴華宿三河戍先見寄

前人

寒江鳴石瀨歸客夜初分人語空山答猿聲獨戍聞遲
來朝及暮愁去水連雲歲晚心誰在青青見此君

酬滁州李十六使君見贈李公與予俱於陽羨

山中新營別墅以其同志因有此作

前人

滿鏡悲華髮空山寄此身白雲家自有黃卷業長貧懶
任垂竿老狂因釀黍春桃花迷聖代桂樹狎幽人幢蓋
方臨郡柴荆忝作鄰但愁千騎至石路却生塵

酬張廈人日長沙感懷見贈

此公比經流竄親在上都

前人

舊俗歡猶在憐君恨獨深
新年向國淚今日倚門心
歲去流湘水春生近桂林
流鶯且莫弄江畔正行吟

酬皇甫侍御見寄時前相國姑臧公初臨郡

前人

離別江南北汀州葉再黃
路遙雲共水砧迥月如霜
歲儉依仁政年衰憶故鄉
佇君

集作看

宣室召漢法倚張綱

茗溪酬梁耿別後見寄

已見一百六十六卷

文苑英華卷二百四十二

欽定四庫全書

文苑英華卷二百四十三 宋 李昉等 編

酬和四

包融一首

包佶三首

包何二首

李嘉祐四首

錢起一首

皇甫曾三首

張繼二首

韓翃一首

郎士元三首

皇甫冉三首

顧況九首

耿緯二首

司空曙二首

李益一首

李端一首

章八元一首

暢當二首

李夷簡一首

武元衡三首

李吉甫一首

盧綸十三首

答國子張主簿

包融

湖岸纜初解
鷺啼別離處
遙見舟中人
時時一迴顧
坐

悲芳歲晚花落青軒樹春夢隨我心搖揚逐君去

奉和柳相公中書言懷

包佶

運籌時所貴前席禮偏深羸駕歸貧宅欵冠出禁林鳳
巢方得地牛喘最關心雅望期三入東山未可尋

以下
三篇

並見
集本

酬兵部李侍郎晚過東廳之作

時任刑部侍郎
除國子祭酒

前人

酒禮慙先祭刑書已曠官詔馳黃紙速身在絳紗安聖

位登堂靜生徒跪席寒庭槐暫搖落幸為入春看

酬于侍郎湖南見寄十四韻 前人

桂嶺千崖斷湘流一派通長沙今賈傳東海舊于公章
甫經殊俗離騷繼雅風金閨文作字玉匣氣成虹翰墨
時無侶丹青夙在工主恩留左掖人望積南宮巧拙循
名異浮沉顧位同九遷歸上略三已契愚衷責謝庭中
吏詩選作禮悲寬塞上翁楚材欣有適燕石愧無功山曉重
嵐外林春苦霧中雪花翻海鶴波影倒江楓去札頻逢

信迴帆早挂空避賢方有日非敢愛微躬

和程員外春日東郊即事 包何

郎官休浣憊遲日野老歡娛為有年幾度折花驚蝶夢
數家留葉待蠶眠藤垂委一作地紫珠履泉長侵階浸
綠錢直到閉關朝謁去驚聲不散柳含煙

和孟處州閑齋即事 前人

古郡鄰江嶺公庭半薜蘿府寮閑不入山鳥靜偏過
睥臨花柳闌干枕芰荷麥秋今已至君聽兩岐歌

奉和杜相公長興新宅即事呈元相公

李嘉祐

意有空門樂居無甲第奢經過睿法侶雕飾讓侯家隱

樹長簷宿

集作肅

開園一逕斜據梧聽好鳥行藥寄名花

夢蝶留清簾垂貂坐絳紗當山不掩戶暎日自傾茶雅
望歸安石深知在叔牙還成吉甫頌贈答比瑤華

和都官苗員外秋夜寓直對雨

已見一百九十一卷

前人

奉酬路五郎中院長新除工部員外見簡

前人

一門同伴

集作
秘

省萬里作長城問絹蓮花府揚旗細柳

營詞鋒偏却敵草奏直論兵何幸新詩贈甘輸小謝名

酬皇甫十六侍御曾見寄

此公時貶
舒州司馬

前人

自顧衰容累玉除忽承優詔付銅魚江頭鳥避青旄節
城裏人迎露網車長沙地近悲才子古郡山多憶舊廬

更枉新詩思何苦離騷愁處亦無如

山中酬楊補闕見過

錢起

日暖風恬種藥時紅泉翠壁薜蘿垂幽溪塵過苔還靜
深樹雲來鳥未知青瑣同心多逸興春山載酒遠相隨

却思身外

集作却
慙身事

牽纓冕寧勝林

集作未
勝杯

前倒接羅

和杜相公移入長興宅呈諸宰執

皇甫曾

欲向幽偏適還從絕第移秦官鼎食貴堯世土階卑戟

戶槐陰滿書窓竹葉垂纔分五更漏遙隔萬年枝北闕
深恩在東鄰遠夢知日斜門杳暝山遠樹參差論道齊
鴛翼題詩憶鳳池從公亦何幸長與珮聲隨

酬鄭高郵秋夜見寄

前人

搖落空林夜河陽興已生欲辭公府步知結遠山情高
柳風難定寒泉月助明袁安方卧雪尺素及柴荆

酬竇拾遺秋日見呈

時此公自江陰令除諫官

前人

孤城永巷時相見衰柳閑門日半斜欲送近臣朝帝一

作

魏

闕猶憐殘菊在陶家

酬李書記校書越城秋夜見贈

張繼

東越秋城夜西人白髮年寒城警刁斗孤憤抱龍泉鳳
輦棲岐下鯨波鬪洛川量空海陵粟賜乏水衡錢投閣
嗤揚子飛書代魯連蒼蒼不可問余亦賦思玄

酬張二十員外前國子博士實叔向

前人

故交日零落心賞寄何人
幸與馮唐遇心同跡復親
語言未終夕離別又傷春
結念湓城下聞猿詩興新

酬程延秋夜即事見贈

韓翃

長簾迎風早空城澹月華
星河秋一鴈砧杵夜千家
節候看應晚心期臥正集作亦
賒向來吟秀句不覺已鳴鴉

和王相公題中書叢竹寄上元相公

郎士元

多時仙掖裏色並翠琅玕幽意含烟月清陰庇蕙蘭枝
繁宜露重葉老愛天寒竟日雙鸞止孤吟為一看

酬蕭二十七侍御初秋言懷 前人

楚客秋多興江林月漸生細枝涼葉動極浦早鴻聲勝
賞睽前夕新詩報遠情曲高慚和者惆悵閉寒城

奉和杜相公益昌路作 前人

春半梁山正落花台衡受律向天涯南去猿聲傍雙節
西來江色遶千家風吹畫角孤城曉林暝蛾眉片月斜

已見廟謀能喻蜀新文更喜報金

一作南

華

奉和王相公喜雪

已見一百五十四卷

皇甫冉

奉和王相公早春登徐州城

前人

落日憑危堞春風似故鄉川流通楚塞山色遶徐方壁

壘依寒草旌旗動夕陽元戎資上策南畝富

集作起

耕桑

和袁郎中破賊後經剡中山水

前人

武庫分帷幄儒衣事鼓鼙兵連越徼外寇盡海門西節

比全疎勒功當雪會稽旌旗迴剌嶺士馬濯耶

集作溪靈

受律梅初發班師草未齊行看佩侯

一作金

印豈得訪丹

梯

酬唐起居前後見寄二首

顧況

愁人空望國驚鳥不歸林
莫話彈冠事誰知結襪心
霜凋樹吹斷土蝕劒痕深
欲作懷沙賦明時恥自沉

二

何處弔靈均江邊一老人
漢儀君已接楚秦我空頻直

道其如命平生不負神自傷庚子日鵬鳥上承塵

奉酬茅山贈賜并簡綦母正字

前人

玉帝居金闕靈山幾處朝簡書猶有畏神理詎能超鶴
廟新家近龍門舊國遙離懷結不斷玉洞集作洞浦一吹簫

酬柳相公

前人

天下如今已太平相公何事喚狂生箇中恰似籠中鶴
東望滄洲叫數聲

酬信州劉侍郎兄

前人

劉兄本知命屈伸不介懷南州管靈山可惜曠土棲

集作

土樵隱同一徑竹樹薄西齋烏陵嶂合沓月配波

一作波

徘徊薄宦脩禮數長景謝譚諧願為南州民輸稅事鉏

犁胡為立不正

集作走
不止

風雨驚遭迴

奉酬劉侍郎

前人

幾迴新秋影壁滿蟾又缺鏡破似傾臺輪斜同覆轍雖
分上林桂還照滄洲雪
暫伴顛顚人歸華耿不滅

酬本部韋左司

前人

好鳥依佳樹飛雨灑高城況與二三子列坐分兩楹文
雅此何盛林塘含餘清府君未歸朝遊子不待晴白雲
帝城遠滄江楓葉鳴却略欲一言零淚和酒傾寸心久

摧折別離重骨驚安得凌風

集作霜

翰肅肅

集作蕭蕭

四海輕

酬房杭州

前人

郡樓何其曠亭亭廣而深故人牧餘杭留我披留衿滿
篋閱新作璧玉誕清音流水入洞天窅豁欲

一作相

凌臨

關險延北阜，蘿道陟南岑。朝從山寺還，醒醉動笑

集作愁

吟。荷花十餘里，月色攢湖林。父老惜使君，却欲速華簪。

酬漳州張九使君

前人

故人窮越徼，狂生起悲

集作悲楚

愁。山海萬里別，草木十年

秋鞭

一作鞍

馬。廣陵橋出祖，張漳州促膝墮簪珥。關幌憂

琳球，短題自茲簡。華篇詎能酬，無階承明庭。高步相追

遊，南方榮桂枝。凌冬捨溫裘，猿吟郡齋中。龍靜檀欒流

薜，鹿莫搖洞網。魚盧亭洲

集作舟

心安處處安，處處思遐

陬

酬張少尹秋日鳳翔西郊見寄

耿緯

鼎氣孕河汾英英濟舊勲劉生曾任俠張率自能文官
佐征西府名齊將上軍秋山遙出浦野鶴暮離羣遠恨
邊笳起勞歌騎吏聞廢關人不到荒戍日空曛草木涼
初變陰晴景半分疊蟬臨積水亂燕入過一作高雲麗藻
終思我衰髯亦為君閑吟寡和曲庭葉漸紛紛

酬田璠

前人

同遊七祖後已是十年餘幾度曾相夢何時定得書日
高城影盡霜重柳條疎且對樽中酒千般總未如

酬李校書端見贈

一作謝李
端見贈

司空曙

見集本

綠槐垂

一作初

穗乳烏飛忽憶山中獨未歸青鏡流年看

髮變白雲芳草與心違

一作多

逢酒客春

一作朝

遊慣久

別林僧夜坐稀昨日聞君到城闕莫將簪弁勝

一作責

荷

衣

此詩二百五十四卷重出今已削去注異同為一作

酬張芬有赦後見贈

前人

紫鳳朝銜五色書陽春忽布網羅除已將心變寒灰後
豈料先生腐草餘建水風烟收客淚杜陵花竹夢郊居
勞君故有詩相贈欲報瓊瑤恨不如

答許五端公馬上口號

李益

漫逐旌旗俱白首少遊京洛共緇塵不堪身外悲前事
強向盃中覓舊春

和王元二相避暑懷杜太保 李端

艱難嘗共理海晏更相悲
况復登堂處分明避暑時
綠槐千穗綻丹一作紅藥
一番遲蓬華今何幸
先聞大雅詩

酬劉員外月下見寄

章八元

夜涼河漢白卷箔出南軒
過月鴻爭遠辭枝葉暗翻
高謠聞麗曲緩步接清言
宣室思前席行看拜主恩

天柱隱所重答江州應物 暢當

寂寞一悵望秋風山景清
此中惟草色翻意見人行
荒

徑饒松子深蘿絕鳥聲陽崖全帶日寬嶂偶通耕拙味
難容世貧寒別有情煩君瓊玖贈幽懶百無成

山居酬韋蘇州見寄

前人

孤柴泄烟處此中山叟居親雲寧有事耽酒詎知余水
定鶴翻去松敬峯儼如猶煩使君問更欲結深廬

西亭暇日書懷十二韻獻上相公

李夷簡

勝賞不在遠無然念玄

一作冥

搜茲亭有殊致經始富人

侯澄澹分沼沚榮廼間林邱荷香奪芳麝石溜當鳴球
撫俗來康濟經邦去咨謀寬明洽時論惠愛聞毗謳代
斷豈容易守城獲優悠文翁舊學校子產昔田疇琬琰
當佳什池臺想舊遊誰言矜改作曾是日增脩憲省忝
陪屬岷峨問徽猷提攜當有路勿使滯刀州

奉酬李十一尚書大使西亭暇日書懷見寄十
二韻之作

武元衡

鼎鉉昔云忝西南分主憂烟塵開楚道旌節護蠻陬任

重功不立

集作無立

力微恩未酬據鞍慙齒髮責帥懼春秋

高德間

集作聞

鄭履儉居稱晏裘三刀君入夢九折我迴

輶時景屢遷易茲焉期退休方追故山事豈謂台階留

遐挹清靜理眷言蘭杜幽一緘瓊玖贈萬里別離愁已

嶺雲外沒蜀江天際流懷賢耿遙思相望鳳池頭

奉酬荊州嚴司空見寄

前人

金貂再領三公府玉帳連封萬戶侯簾捲青山巫峽曉

烟開碧樹渚宮秋劉琨坐嘯風清塞謝朓裁

集作題

詩月

滿樓白雪調高歌不得美人南國

集作望

翠蛾愁

甲午歲相國李相公有北園寄贈之作

集作什

吟

翫歷時屢促酬答機務不暇未及卒

集作報

章

今古遽分電波增感留墓劒於

集作而

心許偶

鄰笛而意傷寓哀冥冥以廣遺韻云

前人

機事勞西掖幽懷寄北園鶴巢深更靜蟬噪斷猶喧仙
醞百花馥艷歌雙袖翻碧雲詩變雅皇澤葉流根未報

雕龍贈俄傷淚劒痕佳城開

集作關

白日夜

集作哀

挽去

集作

向青門禮命公台重烟霜壠樹繁天高不可問空使輔

星昏

夏夜後園即事寄門下武相公

李吉甫

結構非華宇登仙似古原僻殊蕭相宅燕勝邵平園
避暑依南廡追涼在北軒烟霞霄外靜草露月中繁
鵲遶驚還止蟲吟思不喧懷君欲有贈宿昔貴忘言

和太常王卿立秋日即事

盧綸

山

集作嵩

高雲日晴

集作明

潘岳賦初成籬槿花無色堦桐

葉有聲絳紗垂簾靜白羽拂衣輕鴻鴈悲天遠龜魚覺

水清別絃添楚思牧馬動邊情田雨農官問林風苑吏

驚松篁終盛茂蓬艾自衰榮遙仰憑軒夕唯應苦

集作善

宋生

和王倉少尹暇日言懷

前人

清時多暇日况乃是夫君習靜通仙事書空閱錄

集作篆

文劍飛終上漢鶴夢不離雲無限烟霄路何嗟跡未分
和考功王員外杪秋憶終南舊居

前人

靜憶溪邊宅知君許謝公曉霜凝耒耜初日照梧桐澗
鼠喧藤蔓山禽窺石叢白雲當嶺雨黃葉遶堦風野果
垂橋上高泉落水中歡榮來自間羸賤往曾通月滿珠
藏海天清鶴在籠餘音如可寄願得隱牆東

酬劉侍御春日見招

一作酬侯劉侍
御春日見寄

前人

清園君子居左右滿圖書三徑春自足一瓢歡有餘
莎庭成野席蘭藥是家蔬幽顯豈殊迹昔賢徒病諸

酬孫侍御春日見寄

前人

經過里巷春同是謝家鄰顧我覺衰早荷君留醉頻
松高猶覆草鶴起慙縈塵如悟達人志患名非患貧

和太常李主簿秋中山下別墅即事

前人

清秋來幾時宋玉已先知曠朗霞暎竹澄明山滿池葦
橋雙鶴起收果衆猿隨韶樂今方奏雲林徒蔽虧

酬韋渚秋夜有懷見寄

前人

蕭條涼夜永秋草退

集作對

衰顏露下鳥初定月明人自

閑獨悲無舊業共喜出時艱為問功成後同遊何處山
酬李叔度秋夜喜相遇因傷關東寮友喪逝見

贈

前人

寒月照秋城秋風泉澗鳴過時見蘭蕙獨夜感衰榮酒

散同移病心悲似遠行以愚求作友何德敢稱兄石作

谷

變波長急松枯藥未成怨看新髻色怯問故人名野

澤雲陰散荒原日氣生羈飛本難定非是惡絃驚

酬李端長安寓居偶詠見寄 前人

自別前峯隱同為外累侵幾年親酒會此日有僧尋學稼功還棄論邊事亦沉衆歡徒滿目專愛久離心覽鏡絲垂鬢彈絃淚灑琴訪田悲洛下寄宅憶山陰薄溜浸青石橫雲架碧林壞簷藤障密衰棟棘籬深流散俱多

故憂傷併在今為當俟高躅歸止共抽簪

奉和陝州十四翁中丞寄雷州二十四翁司戶

前人

聯飛獨不前迥落海南天賈傅竟行矣邵公唯泣然瘴
開山更遠路極水無邊沉劣本多感况聞原上篇

酬陳翊郎中冬日攜柳郎竇郎歸河中舊居見

寄

前人

三旬一休沐清景滿林廬南郭羣初一作儒從東牀兩客

居晨煙浮雪野麥隴潤冰渠斑白皆持酒蓬茅盡有書
終期買寒渚同此利蒲魚

酬包佶郎中覽拙卷後見寄 前人

令伯支離晚讀書豈知詞賦稱相如狂逢花木無新思
拙伏溪源損舊居禁路看山珂自緩雲司翫月夜應初
沉幽敢望金門召空愧巴歛問子虛

酬李益 前人

戚戚一西東十年今始同可憐歌酒夜相問兩悲翁



文苑英華卷二百四十三

欽定四庫全書

文苑英華卷二百四十四 宋 李昉等 編

酬和五

楊詢一首 張彪一首

王季友一首 庾光先一首

韋應物六首 張南史一首

戴叔倫四首 崔峒三首

王烈一首 嚴維三首

朱放二首

權德輿四首

釋清江一首

釋靈一三首

釋皎然七首

楊巨源九首

答李昌期

楊詢

三山載羣物
峩峩鹹浪中
霞衣剪不得
此路安可從
我生亦何事
出門如飛蓬
白日又黃昏
所悲瑤草空
蟲聲故鄉夢
枕上禾黍風
吾道如未喪
天運何處通

北遊還

一作遠

酬孟文

一作雲

卿見寄

張彪

忽忽忘

一作望

前事志願能相乖衣馬日

一作久

羸弊誰辨

才不才

一作誰信幸與才

善道居貧賤潔服蒙塵埃行行無定

止

一作心

坎壈難歸來慈母憂疾疹家室念低摧

一作室家念栖

徊

一作幸與

君夙姻親深見中外懷俟予惜時節悵望臨

亭

一作高

臺

酬李十六

王季友

鍊丹文武火未成賣藥販山不販名出谷迷行洛陽道

乘流醉卧滑臺城城下故人久離怨一歡適我

一作怨兩

家願朝飲杖懸沽酒錢暮餐囊有松花飯二河車馬日

憧憧李膺門館爭登龍千賓揖對若流水五經發難如

扣鐘下筆新詩行滿壁立譚古人坐在席問我草堂有

卧雲晒我厨中

一作知我山居

無擔石自耕自割

一作種

食為天

如鹿如麋飲野泉亦知世上公卿貴且餐邱中草木年

此詩三百四十卷重出今削去注異同為一作

奉和劉採訪縉雲南嶺作

庾光先

百越城池枕海圻永嘉山水復相依
懸蘿弱篠垂清淺宿雨朝暾和翠微
鳥訝山經傳不盡花隨月合數仍稀
幸陪謝客題詩句誰與王孫此地歸

酬閻員外陟

一作涉

韋應物

寒夜阻良覲叢竹想幽居虎符予已誤
金丹子何如醺集觀農暇笙歌聽訟餘
雖蒙一言教自愧道情疎

答故人見諭

前人

系寡名利心自非周圓器徒以歲月資
屢蒙藩條寄時

風重書札物情敦貨遺機杼十縑單慵踈百函愧常負
交親責且為一官累况本落人歸無置錫地省已已
知非枉書見深致雖欲効區區何由枉其志

酬張協律赴

前人

吉日

集作人

驚春

一作春

地今人復一賢屬余藩守日方君

引病年麗思阻文宴芳蹤闕賓筵經時豈不懷欲往事
屢章公府適煩倦開緘瑩新篇非將握中寶何以比其
妍感茲棲寓詞想復疴瘵纏空宇風霜交幽居情思綿

當以貧非病孰云白未玄邑中有其人憔悴即我憊由

來牧守重英俊得薦延菲

集作匪

人等鴻毛斯道何由宣

遭時無早晚蘊器候

集作候

良緣觀文心未衰勿藥疾當

痊晨期簡牘罷馳慰子忡然

答令狐侍郎

前人

一凶乃一吉一是復一非孰能逃斯理亮在識其微三

黜故無愠高賢尚

集作當

庶幾但以親交戀音容邈難希

況昔

集作惜

別離久俱忻藩守歸朝讌方陪廁山川又乖

違吳門冒海霧峽路連磯同念

集作會

在京國相望涕

沾衣明時重英才當復列彤闈白玉雖塵垢拂拭還光輝

答劉信州侍郎

前人

瓊樹凌霜雪葱蒨如芳春英賢雖出守本自玉階人宿昔陪郎署出入仰清塵孰云俱列郡比德豈為鄰風雨飄海氣清涼悅心神重門深夏晝賦詩延衆賓方以歲月舊每蒙君子親繼作郡齋什遠貽

集作贈

荆山珍高閑

庶務理遊眺景物新朋友亦遠集醺酌在佳辰始唱已
慙拙將酌益難伸濡毫竟僂俛一用寫悃勤

答楊奉禮

前人

多病守山郡自得接嘉賓不見三四日曠居集作若十餘

春

集作白

臨觴獨無味對榻已生塵一詠舟中作灑雪忽

驚新煙波見樓旅景物俱昭陳秋塘惟落葉野寺不逢

人白事廷吏簡閑居文墨親高天池閤淨集作靜寒菊霜

露頻應當整孤棹歸來展慙懃

酬張二倉曹揚子閑居見寄兼呈韓郎中左補

闕皇甫冉

張南史

孤雲獨鶴自悠悠別後經年尚泊舟
漁父致詞相借問仙郎能賦許依投
折芳遠計三春草乘興閑看萬里流
莫怪杜門頻乞假不堪投病拜龍樓

和尉遲侍郎夏杪聞蟬

戴叔倫

楚人方苦熱柱史獨聞蟬
晴日暮江上驚風一葉前
蕩搖清管雜幽咽野風傳
旅舍聞君聽無由更晝眠

奉酬盧端公飲後贈諸公見示之作

已見二百十五卷

前人

和河南羅主簿

集作送校書兄歸江南

前人

兄弟泣殊方天涯指故鄉斷雲無定處歸鴈不成行
草莽人烟少風波水驛長上虞親渤海東楚隔瀟湘
古戍陰傳火寒蕪曉帶霜海門潮灩灩沙岬荻蒼蒼
京輦辭芝疑作芸閣衡方憶草堂知君始寧隱還緝舊荷裳

酬別劉九郎評事專經用泉字

前人

舉袂

集作袖

掩離絃枉

集作聽

君愁思篇忽驚池上鷺

集作鷺

下

集作正

咽隴頭泉對牖牆陰滿臨扉日影圓賴聞黃太

守章句此中傳

酬李補闕雨中寄贈

崔峒

十年隨馬宿幾處受人恩白髮還鄉井微官有子孫竹
窓寒雨滴苔砌夜蟲喧獨愧東垣友新詩慰旅魂

初除拾遺辭卹二十二見寄

一作初拜命
卹卹丹見贈

前人

江海久垂綸朝衣忽挂身丹墀方

一作初

謁帝白髮免羞

人才愧文章士名當諫諍臣空餘薦賢分不敢負交親

此詩二百五十六卷重出今削去注異同為一作

劉展下判官相招以詩答之

國有非常寵家承異姓勲背恩慙皎日不義若浮雲但
使忠貞在甘從玉石焚竄身無有地夢寐見明君

酬崔峒

王烈

狗世甘長往逢時忝一官欲朝青瑣去羞向白雲看榮
寵無心易艱危抗節難思君寫懷抱非敢和幽蘭

酬耿拾遺題贈

嚴維

掩扉常自靜驛吏忽傳呼水巷驚馴鳥藜床起病軀顧
身悲欲老戒子力為儒明日公西去烟霞復作徒

酬王侍郎西陵渡見寄

前人

前年萬里別昨日一封書郢曲西陵渡秦官使者車柳
塘薰晝日花水溢春渠若不嫌雞黍先令掃弊廬

酬劉員外見寄

前人

蘇耽佐郡時近出白雲司藥補清羸疾窓吟絕妙詞柳塘春水漫花塢夕陽遲欲識懷君意朝朝訪檝師

答陸澧

朱放

松葉堪為酒春來釀幾多不辭山路遠踏雪也相過

新安所居答相訪人所居蕭使君為制

前人

謝公見我多愁疾

集作病

為我開門對碧山君若欲來看

猿鳥不須爭把桂枝攀

奉酬張鑑閣老雪後過中書見贈輒加兩韻通

簡南省僚舊

權德輿

寓直久叨榮新恩倍若驚風清五夜永節換一陽生
潘鬢年空長齊竽藝本輕常時望連茹今日劇懸旌
枉步歡方接含毫思又縈煩君白雲集作雪句歲宴若為情

和李大夫西山祈雨因感張曲江故事集作書十

韻

亞相冠貂蟬分憂統十聯火星當永日雲漢倬炎天齋
禱期靈貺精神契昔賢中宵出騶馭清旭旅牲拴觸石
看初起隨車應忽先雷音生絕巘雨足晦平阡瀟灑四
溟合空濛萬頃連歌謠誼澤國稼穡遍原田故事三台
盛新文六義全作霖應自此天下待豐年

酬張秘監閣老喜太常中書二閣老與德輿同

日遷官相代之作

時秘監亦
同日拜命

前人

珠樹共飛棲分封受紫泥正名推五字貴仕仰三珪繼

組心知忝

德興代太常為禮部

腰章事頗齊蓬山有佳句喜氣在

新題

酬主客仲員外見賀正除前人

五年承乏奉如綸材

一作才

薄那堪侍從臣禁署猶聞清

漏曉命書慙對紫泥新周班每喜簪裾接郢曲偏宜諷

詠頻憶昔曲臺常議禮見君論著最相親

上都酬章十八兄

釋清江

每歎經年別人生有幾年關河長問道風雨獨隨緣寓
蝶成莊夢懷人識禰賢徽猷不及此空媿白華篇

酬陳明府舟中見贈

釋靈一

長溪通夜靜素舸與人閑月影沉秋水風聲落暮山稻
花千頃外蓮葉兩河間陶令多真意相思一解顏

酬皇甫冉西陵渡見寄

前人

西湖潮信滿島嶼入中流越客依風水相思南渡頭寒
先生極浦暮雪映滄洲何事揚帆去空驚海上鷗

此篇又見

一百三
十六卷

酬皇甫冉將赴無錫贈詩於雲門

已見二百三十六卷

前人

酬崔侍御見贈

釋皎然

買得東山後逢君小隱時五湖遊不厭
栢署跡如遺儒

服何妨道禪心不廢詩一從居士說

集作與君如此說

長破小

乘疑

和李侍御萼歲初夜集處士書閣

書閣即侍御所創

前人

遲賢新買閤此意

疑

郊居古徑行春早新窓見月初放

歌還倚瑟講道亦觀書為我留禪位來逢此會疎

酬薛員外誼見戲

前人

方知正始作麗掩碧雲詩文彩盈懷袖風規發詠思遺
弓達大敵摩壘怯偏師頻有移書讓多慙繼組遲淺才
迂且拙虛譽喜還疑猶倚披沙鑒長歌向子期

和李舍人使君紆題雲明府道室

前人

許令如今道姓雲曾經西岳事桐君流霞手把應醅事

一作憐壽

黃鶴心期擬作羣金籙時教弟子檢砂床不遣

集作

許世人聞桂陽亦是神仙守久

集作少

別無嗟兩地分

奉酬李員外使君嘉祐蘇臺屏居春首有懷

前人

昔歲為邦初未識今朝休沐

集作宦

始相親移家水巷貧

依靜種柳風窓欲占春詩思先邀烏府客山情還訪白

樓人登臨許作

集作接

煙霞伴高在方袍間幅中

答李季蘭

前人

天女來相識將花欲染衣禪心竟不起還捧舊花歸

酬和判官湖上見贈

前人

歲歲湖南隱已成如何星使忽知名沙鷗慣逐無心客
今日逢君不解驚

和呂舍人喜張員外自北蕃廻至境上先寄二

十韻

楊巨源

割愛天文動敦和國步安仙姿歸舊好戎意結新歡並
命瞻鵷鷺同心揖蕙蘭玉簫臨祖帳金榜引征鞍廣陌
雙旌去平沙萬里看海雲侵鬢起邊月向眉殘突兀陰
山迥蒼茫朔野寬毳廬同甲帳韋縠比瑯盤義著親胡
俗儀全識漢官地隣冰鼠淨天映燭龍寒節異蘇卿執
紉殊蔡女彈磧分黃渺渺塞極黑漫漫歡味羶腥列徵
聲休傑攢歸期先雁候登路劇鵬搏上客離心遠西宮
草詔殫麗詞傳錦綺珍價掩琅玕百兩開戎壘千蹄入

御欄瑞光麟閣上喜氣鳳城端尚德曾辭劍柔山本舞
干茫茫斗星北威服古來難

酬令狐員外直夜書懷見寄 前人

花枝暖欲舒粉署夜方初世職推傳盛春刑是減餘
香能護字鈇槩善呈書此地從頭白經年望雉車

和盧諫議朝回書情即事寄兩省閣老兼呈二
起居諫院諸院長

寵位資寂疑用回頭憐二疎超遙比鶴性皎潔同僧居

華組澹無累單床歡有餘題詩天風灑屬思紅霞舒藹
藹延閣東晨光映林初爐香深內殿山色明前除對客
默焚藁何人知諫書全仁氣逾勁大辨言甚徐逸步寄
青瑣閑吟親綺䟽清輝被鸞渚瑞藹含龍渠謝監管野
墅陶公愛吾廬悠然遠者懷聖代飄長裾端弼緝元化
至音生太虛一戎殄撓搶重譯充諸胥借地種寒竹看
雲憶春蔬靈機棲杳冥談笑登軒車晚迹識麒麟秋英
見芙蓉危言直且莊曠抱鬱以攄志業耿冰雪光容榮

璫璣時賢儼仙掖氣謝心何如

奉和裴相公

前人

竹寺題名一半空衰榮三十六人中在生本要求知己

垂老應憐

疑作隣

值相公敢望燮和迴舊律任應時節到

春風若為問得蒼蒼意造化無言自是功

和大夫邊春呈長安親故

前人

嚴城吹笛思寒梅二月冰河一半開紫陌詩情依舊在
黑山弓力畏春來遊人曲岸看花發走馬平沙獵雪迴

旌旆朝天不知晚將星高處近三台

張郎中段員外初直翰林報寄長句

前人

秋空如練瑞雲明天上人間莫問程丹鳳詞頭供二妙
金鸞殿角直三清方瞻北極臨星月猶向南班滯姓名
啓沃朝朝深禁裏香爐烟外是公卿

奉酬端公春雪見寄

前人

造化多情狀物親剪花鋪玉萬重新閑飄上路呈豐歲

狂舞中庭學醉春興逸何妨
尋刺客唱高還肯寄巴人
遙知獨立芝蘭閣滿眼清光壓俗塵

答振武李逢吉判官

前人

近來時輩都無異把酒皆言肺病同
唯有單于李評事
不將華髮負春風

奉酬竇郎中早入省苦寒見寄

前人

玄冥怒含風羣物戒嚴節
空山頑石破幽澗層冰裂
題

詩金華彥接武丹霄烈曠懷玉京雲孤唱粉垣雪窮陰
總凝洹正氣直肅殺天狼看墜地霜兔敢拒穴悠然蓬
蒿士亦得奉朝謁羸驂苦遲遲單僕怨切切端聞仙階
邃廣陌凍橋滑旭日鴛鴦行瑞煙芙蓉闕司寒申鄭重
成歲在凜冽謝監逢酒時袁生閉門月漸思霜霰減欲
報陽和發誰家挾纊心何地當鑪熱慘舒能一改恭聽
遠者說

文苑英華卷二百四十四